

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 815 del 07/04/2025

Per proèr a ciapèr i biliec se pel responder a domanes sorides sul sit Yoalin enscin ai 15 de mé che vegn

I joegn i va a cognoscer la regions de la Èlpes con Arge Alp e Yoalin: se pel venjer 150 biliec Interrail

[Ladino] Da Trent envers Dispruch enscin te la Svizra, passan fora per Monaco, enscin a Lione e de retorn, envers Milan: chest l é demò un di percorsc che se pel fèr con un soul biliet Interrail, che l dèsc l met de ruèr te 33 Stac e 30.000 destinazions con un soul pass per la ferata, passan fora per la regions de la Èlpes. Tel chèder del projet Youth Alpine Interrail (Yoalin) de la Comiscion Internazionèla per l Stravardament de la Èlpes (CIPRIA) l é da poder venjer, per i joegn anter i 18 e i 27 egn, 150 pass Interrail per l istà 2025: setanta de chisc biliec i vegn metui a la leta da Arge Alp, la Comunità de lurier che binà adum diesc teritories da mont. L obietif l é chel de smaorèr l'atrattività del trasport publich, portèr dant i mesi de trasport sostegniboi e engaissèr na vida de viajèr respetousa del ambient jà da joegn en su.

Per tor pèrt a l'assegnazion di biliec l é possibol responder a domanes sorides a la direzion www.yoalin.org dai 2 de oril enscin ai 15 de mé del 2025. Desche “promozion early bird”, vegnarà tirà a la brusca 50 biliec anter i candidac che se registrerà dant dai 21 de oril del 2025. Chi che venjarà i vegnarà envié a tor pèrt a evenc te desvaliva regions da mont tel chèder del projet.

Chi che viaja con Yoalin i podarà fèr rei e se confrontèr en ocasion del event de scomenz del projet, dai 14 ai 16 de jugn a Poschiavo (Svizra) e te desvaliva scontrèdes ti teritories da mont. Amò apede i vegnarà engaissè a tor ju sia esperienzes tras foto e diaries de viac, dajan coscita sie contribut atif al projet. I contribuc miores i vegnarà premié te n concors, de chel che l event finèl l sarà dai 24 ai 26 de otober del 2025 a Berna. Diesc partezipanc de la regions de Arge Alp i arà amò apede l met de portèr dant sia esperienza al Forum anuèl Eusalp ai 25 de november del 2025 a Dispruch.

I partezipanc i podara ciapèr consees de utol per sie viac da la comunità de ex viajadores de Yoalin, a la leta desche compagnadores o compagnes de raida te vèlch region, estra che aer a la leta informazions sul sit <https://www.yoalin.org/>.

Yoalin l é na scomenzadiva de la CIPRIA – Comiscion Internazionèla per la Stravardament de la Èlpes e de sie Consei consultif di joegn, che l é do a vegnir metù en दौरa dal 2018. Estra che Arge Alp, l projet l vegn sostegnù

da la pèrt de la Convenzion de la Èlpes te la Svizra e Austria e da la Fondazione Clima Now. Arge Alp l à jà tout pèrt al projet del 2021 e del 2022. L event de scomenz de Yoalin l é stat fat a Landeck tel 2022, tel chèder del 50° cedean de Arge Alp, endèna la presidenza tiroleisa.

Arge Alp l é na Comunità de lurier metuda a jir ai 12 de otober del 1972 a Mösern, tel Tirol, col obietif de ge fèr front a e sostegnir besegnes comuns di raions da mont e che la tol ite presciapech 26 milions de jent. I

membres de Arge Alp l é la Germania col Stat de la Baviera, l’Austria coi Länder Vorarlberg, Tirol e Salzburg, la Tèlia co la Provinzies autonomes de Busan e de Trent e la Region Lombardia, la Svizra coi Ciantons Grischun, Son Gagl e Tessìn.

Enjontà: l placat

Traduzion di Servijes Linguistics e Culturèi del Comun general de Fascia

(cdt)